



UNIVERSITÄTS-
BIBLIOTHEK
PADERBORN

**Auctarium. Sive Additiones Ad Viri Clarissimi Henr. Zoesii
J.V.D. Universum Jus Canonicum**

**Geismar, Justus Moritz von
Coloniæ Agrippinæ, 1691**

Ad tit. XXXVIII. de pœnit. & remiss.

[urn:nbn:de:hbz:466:1-62259](#)

domini. Sic si filius naturalis, vel spurius aliquid ex hereditate accipiat, cuius secundum leges incapax est, restituere tenetur. Laym. lib. 5. tr. 10. p. 3. c. 5. n. 15.

Objit cum Vasq. Illustr. controv. 28. n. 12. Obligatio naturalis obligat in conscientia; at qui obligatus ad poenam est obligatus naturaliter; ergo in conscientia. & Si obliget ad quid praestandum Conc. si ad patientium tantum Neg. nec conventionalem poenam obligare in conscientia ait n. 16. 17. verum Zoef. hic n. 19. videtur distinguere, quando partes eam apposuerint. Imò Vasq. n. 18. docet, quod aliquis ad restitutionem damni dat non teneatur, nisi petatur.

Quare lex poenaialis non obliget in conscientia, rationem dat Vasq. Contro. c. 29. n. 6. Quia tam à populo, quam à Principe id actum videtur, ut vel civies legi pareant, vel poenam statutam subeant, quam rationem ait, nec Theologici percepserunt, nec ullus, in cuius scripta incidi.

AD TIT. XXXVIII.

De Pœnitentiis & remissionibus.

Hic totus titulus expungi posset, & sequentia substitui.

Pœnitentia est prioris consilii vel aetus mutatio, vel dolor de eo. Hinc alia bona, alia mala. Item vel sine, ut in beatis, vel cum dolore, & sic est specialis virtus. Samitur item pro pena imposta, quæ vel publica & hæc vel solen-

nis, de qua c. pœnitentes 63. & in capite dist. 50. vel non solennis verb. g. peregrinatio. Vel privata, quæ privatim suscipitur vel injungitur. Item pro Sacramento & definitur, quod sit Sacramentum quod contritione, confessione, & satisfactione concurrentibus operatur peccatorum remissionem. Ut materia proxima sint hæc tria remota, peccata ut detestanda. Est autem peccatum aliud *Originale*; aliud *actuale*, quod est dictum, factum, concupitum contra, vel præter legem Dei vel Ecclesie, & hoc vel mortale vel veniale.

Contritio, quæ est odium & detestatio peccati formaliter, & causaliter dolor de illis, alia *perfecta* propter Deum summè dilectum, seu ut est auctor gratiae & gloriae (sufficit autem hunc dolorem esse summum appetitivè in Universali, non etiam intensivè) alia *imperfecta*, quæ attritio dicuntur, quæ requirit præter dolorem ob gehennam vel cælum, Sacramenti votum. Est de necessitate precepti & medii, & obligat non semper, quia est præceptum affirmativum, sed tantum in periculo salutis animæ, vel corporis.

Confessio Sacramentalis est peccatorum Sacerdoti proprio (quia ad hanc non sufficit potestas ordinis, nisi in articulo & peric. mortis, & quoad peccata venialia, sed requiritur etiam jurisdictionis, quæ ab Ecclesia impediri potest) ad eorum Sacramentalem remissionem, obtinendam facta declaratio. Obligat eos qui post Baptismum in peccatum mortale ceciderunt, hodie saltem semel in anno, integrè & cum circumstantiis speciem mutantibus &

suans.

quandoque aggravantibus, sine dimidiatione, nisi necessitas excusat, quæ facit etiam quem prius absolvit posse. Potest etiam publica esse confessio, & pluribus simul fieri, & per interpretem. Est tamen contra usum Ecclesia constituit per scriptum, vel etiam absenti. Clem. VIII. damnavit propositionem hanc: *licere per literas, aut internunium peccata absente Sacerdoti confiteri, & ab eodem absente absolutionem obtainere.* Nulla est ex variis causis, vel ex parte pœnitentis, vel Confessarii. *Sigillum Confessionis,* est obligatio non revelandie ea, quæ audita sunt in Sacramentali confessione ad quod non tantum Sacerdos, de quo principaliter loquuntur jura, sed & omnes alii tenentur. *Pœna revelanis* hodie depositio & reclusio perpetua in Monasterium cap. *omnis viriusque h. t.* Dices sèpè imposta est pœnitentia publica; ergo. Resp. id procedere in foro exteriori, quo etiam spectant plerique Canones pœnitentiales: *Satisfactio* hic est compensatio Deo facta pro injuria ei illata per peccatum, cum proposito de cætero non offendendi, & spe venia. Alia voluntaria, alia Sacramentalis, quam Sacerdos injungit, quæ operatur ex operato opere, & facta in peccato mortali revivisit, prior non item. Admittit operam pœnalia, quam non pœnalia, item etiam alias debita *Acceptanda* nisi pœnitens ad purgatorium sibi reserret *Implenda* per ipsum pœnitentem, alias non erit Sacramentalis.

Remissiones hic sumuntur pro Indulgenciis, quæ sunt condonatio pœna temporalis Deo debita pro peccato iam

remisso quoad culpam extra Sacramentalē absolutionem facta seu concessa ex thesauro Ecclesia; quæa esse patet ex eo, quod omne opus bonum non tantum sit meritorium, sed etiam satisfactorium, quæ opera cum non sint remunerata quoad satisfactionem, ipsi enim exercentes non tenebantur satisfacere, applicantur nobis c. 14. h. t. *extravag. Unigenitus h. t.* per juridicam absolutionem, mortuis vero per modum suffragii, & ad instat solutionis ab alio factæ. Competit hæc potestas Pontifici, Concilio generali, Episcopo tempore dedicationis ad annum in anniversatio ad 40. dies, & Legato Pontificis, id que vi jurisdictionis, qui illas concedunt, vel sub forma plenaria remissionis, vel Jubilæi. Item per tertiam, quintam &c. partem remissionis pœcatorum; item per dies & annos, hoc est computato tempore, quo aliquis in hac vita juxta Canones pœnitentiales pœnitere debuisset, ut effetus indulgentiarum sit remissio pœnae temporalis, modo concessæ sint ex justa causa, & ex parte finis & operis, & acquirere volens sit membrum Ecclesiaz, opera prescripta per se adimpleat, & sit in statu gratiae, & alias commode pro suis delictis satisfacere non possit. Jubilæum ab Hebraico Jobel, quod buccinatum significat, dictum, quoad remissionem pœnae ab indulgentiis plenariis non differt. Sub Bonifacio VIII. centesimo, sub Clemente VI. quinquagesimo, hodie vigesimo quinto anno conceditur præter alia extraordinaria.

Observa, quod Bulla Cruciatæ habet clausulam, quæ dat facultatem Confessariis

sariis Ordinum Mendicantium absolvendi à censuris, reservatis etiam Papæ, etiam, quæ in Bulla ecclæ continetur, quoscunque etiam persecutores. Est autem triplex status seu tempus considerandum. Nam ante Bonifacium fuit hæc facultas illis absolute sine ulla conditione audiendi confessiones omnium secularium venientium ad eorum conciones ab Alex. IV. Urbano IV. Clem. IV. concessa. Secundum post Bonifacium, quo in extrav. super Cathedram de sepult. ob reverentiam Episcopis debitam eandem facultatem concessit Dominicanis & Minoribus cum duplii limitatione. 1. ut Confessarii eligerentur à suis Superiorib. 2. Ut electi presentarentur Episcopo loci per iurâ licentia, licet non obtenta ex tunc. Hæc fuit ampliata per Benedictum II. in extrav. inter cunctas de privileg. absque conditione personaliter comparandi, nisi tantum verbo, aut scripto præsentandi electos, quæ innovata Clem. dudum de sepult. & in extrav. Joa. 22. de Judi. Ter. ium post Trident. ex quo hæc facultas dependet ab Episcopi Diæcesi, licentia & approbatione. Ex quo infertur, quod non sufficiat unius Episcopi approbatio, nisi pro sua Diæcesi. 2. Quod debeat etiam licentia obtineri,

Quæstio. an liceat ecommunicare fidèles in Parasceve & Sabbatho sancto? Affirmatur, & sic in multis locis positiva consuetudo observat. Sic & in principio in usu, imò præcepta quotidiana communio. Can. peccata de consecrat. dist. 1. Qui usus duravit usque ad tempora Hier. Non obstat can. Sabbatho

de consecrat. dist. 3. Quia in eo prohibetur tantum consecratio, ut patet ex verbis contextus desumptis ex Epistola 24. Innocen. I. Elef. An. 400. & ex Concilio Arauficano 1.

Quæres, an necessitate mediæ debeat sumi ab omnibus Euch. Sann. to 3. dist. 4. q. 30. resp. neg. De parvulis patet. ex Trid. Seff. 21. Can. 4.

Nm sit præceptum divinum & Ecclesiasticum de reali sumptione? Ib. q. 31. Resp. extat divinum, Jo. 6. v. 54. Nisi manducav. &c. 1. ad Corinth. 11. v. 23. Et Ecclesiast. cap. omnes h. t. Obligat in articulo mortis, & semel in anno. Qui communicare neglexit tempore Paschali, probabilius adhuc postea tenetur, quia est præceptum probabiliter Divinum, ut sic differat à ieiunio &c.

Observa, sicut Attritio materialis non significat confractiōnem rei attritæ. Ita attritio Theol. significat cor peccatoris non perfectè comminui, nisi Sacramentum accedit, contritio autem verè & totaliter conteri.

Obser. Motivum timoris poenarum in attritione non debere esse merè servile & naturale, hoc est timorem ex amore proprio & merè naturali conceptum. Sed utile & honestum, id est, ex amore proprio supernaturali conceptum, quia iste timor & avertit à peccato, & includit ultimum finem Deum, justum peccati vindicem, & est intrinsecè aeternus virtutis spei Theologicæ vel charitatis erga se ipsum. Quia licet dicatur & sit servilis, prou topponitur filiali, non est tamen cum servilitate omnimoda turpi. Sannius

Sannius tom. 3. dist. 7. q. 5. n. 7

Obserua item. *Virtus pœnitentiae* est viatoriū lapsō in mortale necessaria & necessitate medii, & præcepti positi, vi Divini, imd & naturalis; quia præceptum naturæ jubet applicare reme-dia necessaria ad obtinendum finem ultimum beatitudinis; ergo. Item lu-men naturæ ingerit, ut amemus deum, & humiliemur coram eo offenso per actiones nostras in ordine ad eum placandum; sed talis humiliatio habetur per actum pœnitentiae; ergo.

Dices: non refertur ad ullum præcep-tum in Decalogo, in quo series pæceptorum naturalium registratur. Resp. Reduci ad præceptum de colendo Deo, contra cuius cultum militat peccatum. Vel ad quintum prohibens occisionem corporalem quam spiritualem animæ. Id. dist. 8. q. 1. n. 3. 4. Item ex d. dist. 8. q. 3. n. 4. Pœnitentialis contrito non est meritum de condi-gno, sed tantum de congruo respectu remissionis peccatorum mortalium & obtinendæ gratia sanctificantis. Paulus ad Rom. 3. v. 24. Justificati gratis, per gratiam ipsius. Si esset de con-digno, non esset gratis, sed ex justitia. Item Trident. Sess. 7. Can. 8. I. dem. ib. q. 4. Venialia extra Sacra-men-tum remittuntur per contritionem, per attritionem, item per actus aliarum virtutum, si ab operante eō referan-tur, tanquam prævia tantum disposi-tiones morales. Item per Sacramenta; per Sacramentalia, non quidem ex o-pere operato, sed per modum impe-rrationis: ait autem omnia Sacramen-talia in hoc v. cff. 6.

Orans oratio Dominica tñflus a-quæ benedictæ alpersio. Edens, Communio, Confessus, Dans eleemosynam. Benedicens: benedictio Episcopi

Quæst. 5. ait, quod in hac vita pos-sint remitti venialia remanentibus mortalibus, quia veniale peccatum non includit privationem gratiæ san-tificantis, sed compatitur illam se-cum; ergo nec ad remissionem requiri-tur illius gratiæ refusio.

Ex quæst. 6. Obserua Opera viatoris a'ia esse *viva*, quæ eliciuntur in statu gemitis, alia *morta*; quæ in statu odii, alia *mortificata*, quæ in gratia elicitam-pediunt à consecutione præmit ob-consequens peccatum, alia *mortifera*, quæ licet ex fine honesto eliciantur, procedunt tamen à peccatore actuali. Mortua non reviviscent ad meritum vita aeterna: Mortificata reviviscent, quamvis peccata semel dimissa nec quo ad culpam, nec quo ad pœnam æ-ternam per subsequens peccatum re-deant. Reminiscentur tamen Deus quo-ad pœnam temporalem nondum per-solutam, & sic intellige Ps. 78. Qui in u-no offendit, factus est omnium reus. Jacob. 2. intellige quo ad durationem pœnae, non etiam quo ad infensionem: Sicut & parabolam servi, cui remiserat Dominus universum debitum, Matth. 18. Posset tamen Deus condonare pec-cata cum conditionato pacto, si reci-deris in ea, volo, ut priora reviviscant.

Ex dist. 9. q. 2. Peccata semel dimissa fructuose iterato confitemur ad re-missionem pœnae temporalis & aug-mentum gratiæ. Probatur per Extra-

O

vag

vag.i.de privileg.Forma enim absolutionis tendit ad peccatum tollendum, si insit, si non insit, sed infuit post baptismum; & denuò de illo doles, ad augmentum gratiæ & diminutionē pœnæ.

Ibid.q.4.n.8. ait Sacramenum pœnitentiae non posse esse validum & informe, quamvis Baptismus sit validus & informis, si ministeretur habenti aquælæta affectum ad peccatum mortale, quo calu valet, sed gratia sanctificans non censetur, nisi sublatu obice, quia hic est necessarius, & iterari non potest.

Ex dist xi. q.10.n.5. In fractione sigilli confessionis committitur peccatum detractionis infidelitatis & faciliægli, & est semper mortale, licet veniale tantum detegatur, quia fit injuria Sacramento. & n.6.est præceptum negativum obligans semper, etiam post mortem n.7. nec de pœnitentis licentia, quia prohibitum ob bonum publicum.

Ad n.9. De indulgentiis Sann. to. 3. dist.13. ubi q. 1. n. 7. etiam explicat partem ad pœnam unius vel plurium annorum, quæ olim erat Carenæ, id est, carentia seu jejunium in pane & aqua dies 40. Item quadragesima, quæ est remissio pœnitentie, quæ per quadragesimam subeunda erat de qua Can. in cap. dist. 50.

Ex q.4.n.6. Observa, quod tempore Jubilæi licet detur potestas absolvendi à quibuscumque, nulla tamen detur facultas dispensandi super irregularitate etiam occulta, ex defœtu, vel inhabilitate quomodo liber contracta.

Idem de dict. tom. 3. de Censuris dist. 1. q.5 R. fert ex Cavarr. quod Jubilæum valeat tantum pro absolutione à Censuris in foro conscientiae, quia pro e-

normibus & publicis casibus videtur Papa velle vindictam publicam. Unde virtute Jubilæi absolutus notoriè excommunicatus adhuc abstinere deberet, donec publicè absolvatur, vel innotescat de absolutione altera obtenta. Secundus si censuræ & casus occulti.

A D T I T. XXXIX.

De Sententia excommunicationis.

Ad n.1. Dicitur usu aliquorum bonorum spiritualium, quia non privat virtutibus infusionis, nec aribus virtutum: qui bona spiritualia sunt.

Ad n.9. Bulenb. li. 7. c. 1. dub. 4. Ob solum peccatum externum censuræ proportionatum, & coniunctum cum contumacia censura ferri potest. & quidem in interdicto locali potest esse aliquid, v. g. prælati vel Communitatis, non tamen hominis privati, alias requiritur proprium.

Ibid. Etsi ob peccatum veniale interdum ferri possit, levius suspensio, vel leve interdictum, excommunicationem tamen major, suspensio gravis, & interdictum perlonale specialis (quidquid sit de generali) non potest ferri, nisi ob culpam mortalem, quia alioquin non esset pœna proportionata culpi. Imo cum sint pœnae medecinales, non debent infligi pro quovis mortali, sed quibusdam tantum, ne censuræ contemnantur, ut monet Trident.

Ad n.30. Ut scias, quæ communione privet Excommunicatio, observa triplicem in Ecclesiæ esse Communione. 1. Communio interior, quæ à charitate procedit, quæ est animi affectio, quæ diligitur Deus propter se, & proximus

mus